

NOS HEROENAN NACIONAL

Tur aña durante celebracion di nos Dia Nacional; nos ta recordá nos héroenan cu a cambia e destino di nos pais. Esnan cu a cuminsá cu un lucha cu a culminá cu e logro di e status aparte pa Aruba. Introduccion di nos Himno y Bandera tabata inincio di e gran cambionan aki.

Nos héroenan: Jan Hendrik Albert Eman (Shon Henny), Juan Enrique Yrausquin (Juancho) y Gilberto Francois Croes (Betico).

JAN HENDRIK EMAN

(Shon Henny)

Jan Hendrik Eman a nace na Aruba dia 7 di Augustus 1887 y a fayecé dia 17 di Oktober 1957. E tabata un politico Arubano y fundador di e partido político "Arubaanse Volks Partij" (AVP).

Na 1921 el a wordo escogí como consehero den e Consejo di Polis di e tempo ey; desde 1941 te na momento di su fayecimento e tabatin un puesto fiho den Staten di Antiyas Hulandes.

El a forma parti di e delegacion Antiyano na e Conferencia di Mesa Rondo. Hulanda, Antias y Surnam na 1952.

JUAN ENRIQUE YRAUSQUIN

(Juancho)

Juancho Yrausquin a nace na Aruba dia 3 di December 1904 y a fayecé na Corsow dia 20 di Juni 1962.

E tabata un político Arubano y fundador di e partido político PPA, Partido Patriotico Arubano.

El a cuminsá su carrera como bankero y na 1947 el a bira miembro di Staten di Antiyas Hulandes.

Desde 1951 e tabata pa algun aña miembro di Eilandsraad pa e Territorio Insular di Aruba. El a forma parti di e delegacion na e Conferencia di Mesa Rondo na 1948 y di 1952 te cu 1954.

Dia 1 di April 1956 el a wordo nombrá como minister; te na su fayecimento e tabata ocupá e puesto di Minister di Finanzas y Minister di Bienestar General.

